

# 东西洋考

卷四 卷五 卷六

東西洋考卷四

明龍溪張燮紹和著

三原李錫齡孟熙校刊

西洋列國考

麻六甲

麻六甲卽滿刺加也古稱哥羅富沙漠時已通中國後頓

遜起自扶南三千餘里皆屬之其東界通交州卽哥羅富

沙地也唐永徽中以五色鸚鵡來獻

唐書曰哥羅一曰箇羅亦曰哥羅富沙漠

王姓矢利波羅名米失鉢羅

舊隸暹羅歲輸黃金爲賦蓋所部瘠鹵尚

未稱國云永樂三年曾西利八兒速刺遣使上表願內附

爲屬郡効職貢七年上命中使鄭和封爲滿刺加國王賜

銀印冠服從此不復隸暹羅矣九年嗣王拜里迭蘇刺率其妻子及陪臣五百四十人來朝命中貴海壽禮部郎黃裳迎勞于郊勅有司供帳飾館待之尋陞見貢方物上御奉天門宴王賜玉帶羽儀鞍馬金銀錢鈔錦綺王如冠服其下賞賚各有差居久之禮送還國廣東通志曰光祿日給牲牢賜王金繡龍衣一襲金銀器皿帷帳綢緡威具賜妃八兒迷速里及子姪陪臣文綺紗羅襲衣有差就館復賜宴八月賜黃金相玉帶儀仗鞍馬并賜王如冠服九月辭歸賜宴奉天門別宴王妃陪臣如初賜勅勞王副以金相玉帶一儀仗一副鞍馬二疋黃金百兩白金五百兩鈔四十萬貫錢二千六百貫錦羅六百疋絹千疋渾金文綺二金織通袖膝襪二如以下各禮部餞于龍江驛復賜宴龍潭十年遣使入貢十各有差

二年王母來朝賜如王如十七年王亦思罕答兒沙嗣更

率妻子來朝言爲暹羅所侵惟陛下卵翼之上爲降詔暹  
羅國王無開兵隙暹羅旋遣使來謝侵伐之罪滿刺加所  
得保境息肩者皆中國賜也二十二年王西里麻哈刺來  
朝宣德九年王復至後先賜予甚厚其後貢使不絕天順  
三年王无答佛哪沙卒子蘇丹茫速沙請封遣使冊立爲  
王成化末給事中林榮行人黃乾亨奉使溺海死以故罷  
遣云王以帛纏首衣青花袍躡皮履乘轎俗敦樸尚回回  
教居處如暹羅婚喪大類瓜哇唐書曰嫁娶檳榔爲禮多至二百盤婦已嫁從夫姓  
死者焚之取燼民耐金罍沈之海用陶錫網魚爲業屋如樓閣然不更鋪  
板但疊木高低層布連榻趺坐飲食廚廁皆在其間男女

椎髻

唐書曰非有官不束髮

肌膚黑漆閒有白者華人也後佛郎機

破滿刺加入據其國而故王之社遂墟臣隸俛首無從報仇久乃漸奉爲眞主矣古稱旁海人畏龜龍龜龍高四尺四足身負鱗甲露長牙遇人則嚙無不立死山有黑虎虎差小或變人形白晝入市覺者擒殺之今合佛郎機足稱三害云

### 形勝名蹟

鎮國山

永樂中詔封其國之西山爲鎮國山御製碑文賜之勒石其上

五嶼

未稱國時龍會鍾于此

雅山

在滿刺加港外其山甚高

物產

貓睛石

華夷考曰中一縷珠

出石櫛子珠

犀角

本朝充貢象牙

充玳瑁

木朝充貢翠羽

雲縷俗名眼鏡華夷考曰大如錢質薄而透明如琉璃色如雲母每

目力昏倦不辨細書以此掩目精神不散筆畫倍明出滿刺國○縵縵乃輕雲貌如輕雲之籠日月不掩其明也若

亦可

斗錫星槎勝覽曰內有山泉流為溪於溪中陶沙

充乳香

本朝充貢片腦本朝蘇合油

蕉心簞

見星槎勝覽按華夷考稱滿刺

加取菱葦葉織成細簞闊二尺長丈餘即此類也

明角

烏角

蠟

做打麻方

勝覽曰樹脂結成者夜點有光塗舟水不能入華夷考曰樹枝流落膠汁土內掘出如松歷青內有明淨好者都似

金珀一般出滿刺加國

硫黃

夷瓶

燕窩

檳榔

椰

子

沙孤米

華夷考曰山野有樹名沙孤樹將樹皮如中國葛根搗浸澄濾取粉作丸酒乾賣之出滿

刺菱葦酒

華夷考曰菱葦葉似苦笋殼厚性柔軟結子如荔枝樣雞彈大取其子釀酒飲亦醉人出滿刺

加犀

象

黑熊

本朝充貢

火雞

華夷考曰出瀛刺加大如鸛多紫赤色能食火吐氣亦煙

餒也子如鷺胎殼厚踰重錢或斑或白鳥夷採爲飲盞見者珍之

鸚鵡唐時來獻

交易

本夷市道稍平既爲佛郎機所據殘破之後售貨漸少而佛郎機與華人酬酢屢肆輶張故賈船希往者直詣蘇門答刺必道經彼國佛郎機見華人不肯駐輒迎擊于海門掠其貨以歸數年以來波路斷絕然彼與渤夷同種片帆指香山便與粵人爲市亦不甚藉商舶彼閒也

啞齊

啞齊卽蘇門答刺國一名蘇文達那西洋之要會也王裝

束類滿刺加官屬畢具宮有內閫百餘蓋他國所無云相

傳風俗頗淳語言和媚惟酋長好殺殺人輒取血浴身島夷

志曰酋長人物修長一日之間必三變色或黑或赤每歲殺十餘人取自然血浴之則四時不生疾疹故民畏服焉

田礲少熟然賈舶還往財物充牣雅稱富饒貧民捕魚爲

生活朝駕獨木舟張帆破浪抵暮卻回國徵其賦以爲常

其先爲大食國蓋波斯西境也隋大業中有牧者探穴得

文石詭言應瑞當王聚衆影略遂王其地舊唐書云胡人牧駐忽有獅子

人語曰此山有三穴穴中大有兵器并有黑石白文讀之便作王胡人依言果得穴中石及刀甚多教其反叛於是

糾合亡命劫奪商旅其衆遂盛自立爲王波斯拂林各遣兵討之皆爲所敗於是遂強并諸國勝兵得四十萬唐

永徽以來屢使朝貢唐書曰永徽二年朝貢自言有國三十四年傳二世開元初復遣使獻馬

銅帶謁見不拜有司將劾之張說謂殊俗慕義不可寘于理立宗赦之使者復辭曰國人只拜天見王無拜也有司

切責乃拜十四年遣使其先為白衣大食至阿蒲羅拔以獻方物拜果毅賜緋袍

來為黑衣大食唐書曰白衣大食有二種一盆尼未換二

衆曰助我者皆黑衣俄衆數萬即殺未換至德初代宗用求奚深孫阿蒲羅拔為王號黑衣大食

其衆平西都貞元中使者三人來朝悉拜中郎將賚遣之

宋乾德四年遣僧西域因賜王書招懷自是貢舶歲通宋按

史開寶元年遣使朝貢四年復貢以其使為懷化將軍用金花五色綾紙寫官誥以賜嗣此連貢不絕淳化四年會

長李亞勿來朝冊主蒲希密附方物來獻咸平六年貢使摩尼對崇政殿持真珠以獻云離國日誠願得瞻威顏乞

不給回賜上不欲違其意俟其還厚加優賚景德元年使來值上元觀燈賜錢縱其宴飲四年使又至許徧詣苑囿

寺觀泰岱汾陰竝許陪祀宋史車駕東封冊主施婆離願遊覽執方物赴泰山從之又祀汾陰

詔令貢使陪祀

大中祥符五年大食國老人無西忽盧華年百三

十歲耳重輪體貌甚偉自言遠慕皇化附舶來王詔賜袍

帶束帛建炎後以國費匱乏閉關謝貢大食竟修貢如故

事則懷德者遠也

宋史帝謂侍臣曰茶馬政廢武備不修致金人亂華今復捐數十萬緡易無用

之珠玉曷若惜財以養戰士詔張浚卻之

入明始稱蘇門

答刺洪武初國王奉金葉表貢馬及方物永樂三年王鎖

丹罕難阿必鎮遣使入貢詔封爲蘇門答刺國王賜印誥

金幣五年再使來貢已而王與花面王戰中流矢死子弱

不任嘗膽其妃飲泣令于國曰能復讐者我與爲夫共圖

國事有漁翁聞之率衆殺花面王如送從漁翁

吾學編曰永樂七年

來貢厚賜之十年遣使至其國

久之故王假子率所部殺漁翁王王子蘇

幹刺以衆奔峭山十一年中貴人鄭和擒假王俘至京伏  
法漁翁王子感激聖天子威靈條進方物甚夥宣德中貢  
使頻至十年封其王子嗣王世世朝貢不絕數傳後凡再  
易姓而爲今王今王者人奴也先是其主爲大將使奴牧  
象而象肥主以爲能呼語之曰而牧象良苦其爲我監捕  
魚稅坐而受直奴前謝從此往稅捕魚得大魚輒遺其主  
自取小者主後聞之曰奴忘其食指而奉我耶命侍左右  
出則捧檳榔盤後隨一日王召諸大會議事奴從主仗劍  
入王居起尊嚴若神而主跼蹐惟謹奴出謂主曰主自視

雖貴孰與王主笑曰臣何敢與王齒奴曰主第不欲王耳  
是可取而代也主驚顧無妄言將赤吾族奴因閒進曰吾  
主行擁重兵出鎮海隅詰旦入辭奴從而後主誠乘閒請  
屏左右以畢所私王必不疑五步之內奴抽刃刺王灑王  
頸血爲主盥手主兵柄在握誰敢不服咄嗟而事可定矣  
主詰朝果入辭如奴約白王曰臣遠離宮殿情懷戀戀願  
有所私布請屏左右王叱左右出奴突引王裾前刺王掖  
其主上殿號殿下曰王爲不道吾殺之吾爲若主時所擁  
兵悉集殿外諸酋股慄無敢鬩者因誅其偶語者若而人  
餘悉拜官有差主旣爲王命奴代爲大將隸以所部居亡

何奴弒王自立是爲今王於是大爲防衛于國拓其宮規  
制宏壯宮凡六門門不得闌出入雖勳貴不得帶劍上殿  
王出乘象象列綺架亭而帷其外又列象百餘披結俱如  
王所乘象望者不知王在何許鹵簿傳呼甚盛犯者無赦  
法制嚴於他國矣

### 形勝名蹟

俱紛摩地那山

大食王牧處得黑石白文于此舊唐書曰在國西百鄰於大海

膏勝榭山

潤中出油王出征戰取油倒水上燃之能飛渡作火攻人死以油塗之能堅其尸千年不壞

椰嶼在港口

上有三

恆曷水

舊唐書曰大食王糾合亡命渡恆曷水劫奪商旅

急水灣

龍涎

嶼

星槎勝覽曰蘇門答刺西去一晝夜浮豔水面波激雲騰每春羣龍來集於上交戲而遺涎洙番人駕獨木舟

登嶼採取而歸或風波則人俱下海  
一手附舟旁一手揖水而得至岸  
翠藍嶼星槎勝覽曰在龍涎嶼之西北大小七門門中皆可過船傳聞釋迦經此山浴水被竊袈裟佛云後穿衣者必爛皮肉由此男女今皆無衣止樹葉紉結而遮前後

### 物產

**寶石**

本草綱目曰山海經謂之采石碧者唐人謂之瑟瑟紅者宋人謂之靺鞨今通呼為寶石大者如指頭小

者如豆粒皆瑪瑙瑪瑙格古論曰非玉非石堅而且脆中有人碾成珠狀瑪瑙物鳥獸形者最貴負喧錄曰瑪瑙產

有南北南瑪瑙產大食琥珀宋時玳瑁犀角象牙色正紅無瑕可作杯罍

曰象牙生花必因雷鶴項琉璃宋時以瓶及照身鏡聲故古以為器飾

公子記云扶南賣碧頗黎鏡廣一只半重四十斤內外皎潔向明視之不見其質蔡條云御庫有坡黎母乃大食所

貢寶璽龍涎香遊宦記聞云龍涎香最貴重出大食國海旁常有雲氣出山間土人即知龍睡

其下更相守之俟雲散知龍已去往求必得龍涎入香能  
 收效蕭廟清氣雖數十年香味仍在謂其真和香焚之翠  
 煙衰空結而不散或言延有三品一日汎水一日滲沙一  
 曰魚食汎水則輕浮水面善水者龍出隨取之滲沙則  
 疑積多年滲入沙中魚食則什散於沙磧又魚食亦有  
 二種海旁有花若木芙蓉花落海大魚吞之腹中先食龍  
 涎花嚥入久即脹悶昂頭向石上吐沫乾枯可用惟糞者  
 不佳若散碎皆取自沙滲力薄欲辨真偽投沒水中須臾  
 突起直浮水面或取一錢口含之微有脂氣經一宿細沫  
 已嚥餘結膠舌上取出就淖稱之亦重一錢將淖者又乾  
 之其重如故雖極乾枯用銀簪燒熱鑽入枯中抽簪出其  
 涎引絲不絕驗此不分褐白褐黑皆真○星槎勝覽曰初  
 若脂膠黑黃色頗有片腦宋時安息木香本朝乳香宋  
 腥氣焚之清香可愛片腦宋時安息木香本朝乳香宋  
 獻丁香本朝薔薇水宋時蘇合油天鷲絨本草綱目謂  
 皮毛可為服飾謂之天鷲絨華夷考曰海東青小瑱服一  
 而健能擒天鷲即此也華人以絨織之沿為偽物瑱服一  
 志名瑱服曰又名梭服兜羅絨亦毛毳織成長者每正至  
 以鳥毳為之紋如紈綺兜羅絨六七丈今人呼為多囉連

駝毛縠面

其毛雅曰駝臥腹不帖地屈足漏明則行千里今

盡乃能避熱

故古者冬取皮於狐類而花錦宋時西洋布

裘成夏取毛

於駝類而褐成宋時來獻

幅廣至四五尺

精者價乃勝段錫本朝寶鐵宋時蠟

膺肺臍

即唐書所謂骨膺燕窩胡椒星槎勝覽曰蔓附

併欄子但粒小

石蜜唐書大食傳曰刻沒藥孩兒茶烏

耳本朝充貢

石蜜盧如輦狀

參泥本草一名烏

疊泥或血竭千年棗宋時大茄志曰

作烏丁皆夷語無正字

樹高丈餘經三四年不瘁子大無名異本草集解曰出大

如西瓜重十餘斤

以梯摘之食國生石上狀如

黑石灰番人以油鍊

瓜星槎勝覽曰皮若荔枝未剖臭如

如鑿石嚼之如錫

爛蒜剖開如囊蜜味如酥油香甜

可犀宋太宗問蒲押陀黎犀象何法可取對云犀使人升

口犀大樹操弓矢伺至射殺之小者不用弓矢可捕獲本

朝貢象蒲押陀黎曰象用象媒駿馬馬號為龍種鸚鵡

貢誘至漸以大繩繫之

東

西

貢

誘至漸以大繩繫之

象

蒲押陀黎曰象用象媒駿馬馬號為龍種鸚鵡

貢

誘至漸以大繩繫之

交易

舶到有把水瞭望報王遣象來接舶主隨之入見進果幣

于王王爲設食貿易輸稅號稱公平

星槎勝覽曰胡椒番秤一播抵我官秤三

百二十斤價銀錢二十箇重銀六兩金抵納卽金錢也每

二十箇重金五兩二錢○龍涎嶼香一兩用金錢十二一

斤該金錢一百九十二箇此國遼遠至者得利倍于他

中國銅錢九千價亦非輕國蓋宋時稱本肆多金銀綾錦工匠技術咸精其能至今

富饒猶昔也

彭亨

彭亨者東南島中之國也

星槎勝覽名彭坑續文獻通考曰暹羅迤西

國竝山

山旁多平原草樹繁茂然鳥獸希少沃土宜穀蔬果亦饒